

Gyoengq Lwgnyez Eu Fwen

小孩子唱山歌

□ Vangz Fungmingz Dangz Yengauh / 黄凤明 唐彦高

Ronghndwen yawjraen gyoengq lwgnyez bekwngz eu fwen, sijsaeq baez dingq, dwg eu hot fwen 《Ronghrib》, de hozndat dangqmaz, heiq hwnj foedfoed gangj naeuz: “Hw! Ronghrib miz maz citgeiz lai!”

Ciepdwk, de lij haengrengz hemq gyoengq lwgnyez naeuz: “Gaej eu lo! Gaej eu lo! Rongh ronghrib youh iq youh nyieg, neix miz maz ndei eu ne. Hw! Sou wnggai byaengq aen lwgda sou yawjyawj gou ha, ingj ndaej gwnznamh ronghsagsag, yienznaeuz mbouj lumj gyangngoenz yienghde rongh, hoeng hawj gyoengqvunz youq gyanghwnz lij yawj ndaej raen saekdi. Caiq gangj, ndang gou baenzneix hung, ronghrib iqetet, de baenzlawz beij ndaej gvaq gou ne!” Gangj sat le, ronghndwen gig gaengq riuha hwnjdaej, itcig riu ndaej bak ngaengatngat bae.

Gyoengq lwgnyez raen rongh-ndwen baenzneix ndaengndiengq mbouj roxsoq, ndawsim mbouj sangj. Boux lwgnyez ndeu hemq sing sangsetset naeuz: “Mwngz laihnaeuz gyoengqdou mbouj rox ha, mwngz bonjfaenh mbouj ndaej fat rongh, dwg baengh aen daengngoenz ingj, mwngz cij rongh ne! Mwngz miz maz citgeiz lai. Aen rongh duz ronghrib yienznaeuz youh iq youh nyieg, hoeng, aen rongh neix dwg de swheij gag fat okdaeuj! Raeuz boiqfug de, ndigah eu fwen haenh de——

Ronghrib ronghrib gip haex gaeq, Daeh bwnh daeh bwnh daeuj laeng gou.

Gou miz bit baen mwngz gaj, Dou miz duzmax hawj mwngz gwih.

Gwih bae daengz Baekging,

Ingj bae daengz dangjcungh- yangh.

Gangj hawj Siz cujsiz dingqny, Aen dangj raeuz cwngecwz ndei lai.”

Lingh boux lwgnyez hix gaen naeuz: “Dou maij eu byawz couh boux de, bak dou youzcaih dou mbouj youzcaih mwngz nw. Dou youq lajmbanj doekseng, majhung, caeueq guekcoj doxbeij, couh lumj ronghrib caeueq daengngoenz. Raeuz laebdaeb eu! Mbouj dam de!”

Gyoengq lwgnyez youh laebdaeb eu fwen hwnjdaej lo——

“Seizneix gij sevei, Caen ceiqndei mboujgvaq, Ndomq raeuz gij guekgya, Caen bienqvaq lailai.

Mboengqneix raeuz guekgya, Caen bienqvaq lailai, Yienghyiengh cungj leihhaih, Gaiqgaiq raeuz cungj miz.

Ngoenzneix dou youq neix, Lwnh beixnuengx raeuz nyi, Mbanjcuengh rumzcin ci, Ndwengngoenz bi ndei bi.

Caiq gangj mbanjranz dou, Couh bienqvaq haujlai, Ranzlaeuz baiz laeb baiz, Caeueq gwnzngai doxdoengz.

Seizneix gyoengq mbanj dou, Vuenyungz youh angqyangz, Roen suiinjiz doeng ranz, Mbanjmbanj miz ciij.

Miz raemx saw daengz ranz, Mbouj yungh fanz rap raemx, Youq ndawranz dajcaemx, Raemx yiengj goksadsad.

Seizdaih neix caen ndei, Cae rauq mbouj yungh vaiz, Gizgiz gihgi lai, Cwz vaiz mbouj hoj ciengx.

Banggunz hix daengz deih, Cwngecwz ndei baenzmaz, Mbouj gyau liengz cixbah, Guekgya lij bouj ngaenz.

Bouxhoj miz ciengxlaux, Lwglan cungj hauqgingq, Danghnaeuz ndang baenz bingh, Ngaenz yw lingh bauqsui.

Lwgnyez bae doegsaw, Mbouj yungh hawj cienzhag, Lajmbanj gyoengq lwghag, Ngoenz gag soengq can gwn.

Gunghcangj youq henz mbanj, Gyawj ranz miz hong guh, Nyez geq cungj ndaej goq, Mbouj caiq coh rog bae.

Gij cwngecwz dangj ndei, Sevei youh vwnzmingz, Lwgminz uk coengmingz, Riengz gungcanjdangj byaij.

Lienz henznaz henzdaemz, Cungj baenz dieg youzbyaij, Vunz rog daeuj haujlai, Vunzmbanj muengz daih hek.

Seizneix gyoengq vunzmbanj, Hwnj vangj bae cawx huq, Hix mbouj yungh byaij loh, Huq gag soengq daengz ranz.

(1)



Gij gingjsaek doenghnaz gyaeundei Mbanjgyanghbingz.

Maj Fanghgangh ingj

“Duzlungz dwg duzlungz, duz- ngwz dwg duzngwz, mwngz oet sim roengz saej bae!”

Baezbaez daiq cungj gangj ndaej gig haengjdingh, danghnaeuz daxmeh mbouj saeng, daiq caen nyienh caeueq de dajdoj ne!

Caeklaiq, doeklaeng cungj dwg daxmeh nyienh, mbouj caiq oksing lo.

Gou doq swiq din doq ndaejnyi bohgox caeueq daiq gangj vah.

“Ai, raq byajraez fwn hung yienghneix, gij maknganx deng sai bae mbouj noix lo.”

“Gij fwn daj baihsaebaek daeuj, baez doek couhdwg sam seiq ngoenz, moix ngoenz doek saek raq, maknganx cungj baenz lo, vihmaz mbouj vaiqdi goq vunz bae mbaet ne?”

“Dingqgangj roenraemx mbouj doeng, bineix maknganx gai mbouj doek lo.”

“Gvaiq mbouj ndaej, geij bi gaxgonq gyoengq buenq maknganx haenx caeux couh wnggai baedauq lo.”

•Sawcuenhraz Lwgnyez•

Gij Golwgnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

“.....”

Gou mboujguenj maz boux buenq maknganx caeueq roenraemx, cij siengj ngoenzcog au hwnq romh, bae henzdah laj gofaexnganx gip maknganx doek roengzdaeuj, mboujnex couh deng Ah Veij gyoengqde bae gip gonq lo. Ndigah, gou uet hawq din, laeglemx ndonj hwnj gwnz congz ninz lo.

Hwnzneix, gou loqraen le gij goj Aulungzgeiz gangj.

Gou baez ndiu gvaqdaeuj, daxmeh gaengq mbouj youq ranz lo,

cijmiz daiq youq henz gyanghongh boen raemz gueng gaeq. Gou roxnyinh mbwn rongh lo, baez ninz couh ninz gvaq lo, simgip ndaej yaek daej, daj laeng dou riuj aen bied ndeu, gvaq gvaq baihlaeng daiq, buetlulu coh rog.

“Ah Byauh! Baez hwnqdaeuj couh buet okrog bae.”

Yienznaeuz daiq gaengq ndaej caetib lai bi lo, rwz cix beij byawz cungj raeh, gij sing gou lohndin laeglemx buet hix ndoj mbouj ndaej rwz de bae.

“Gou okbae baez ndeu.”

Gou doq han doq buet.

“Mbouj gwn souh la?”

“Dauqdaeuj caiq gwn lo.”

Buet ok bakdoulaux seiz, ndit lwenqda cingq daj dah baihdoeng cik gvaqdaeuj, gou roxnyinh mbouj ndei, buekmingh riengjret buet, yamq buet yamq diuq coh laj gofaexnganx bae. Caen dahraix, lajde gyawz lij miz naed maknganx lawz dem ne? Naed ndeu hix mbouj miz, cij miz saek rizdin luenhbyubbyub, yaeng youq gwnz-namh cumxdumz.

(caengz sat)